

СҮХБААТАР АЙМГИЙН
ЭРҮҮЛ МЭНДИЙН ГАЗРЫН ДАРГЫН
ТУШААЛ

2022 оны 10 сарын 24 өдөр

Дугаар А/63

Баруун-Урт сум

Улирлын томуугийн эсрэг вакцинаар
дархлаажуулах тухай

Эрүүл мэндийн тухай хуулийн 12 дугаар зүйлийн 12.1.4, Төсвийн тухай хуулийн 16 дугаар зүйлийн 16.5.1, Нягтлан бодох бүртгэлийн тухай хуулийн 13 дугаар зүйлийн 13.4.14 дүгээр зүйлийн 14.3, Дархлаажуулалтын тухай хуулийн 8 дугаар зүйлийн 8.1, 11 дүгээр зүйлийн 11.1, 14 дүгээр зүйлийн 14.1 дэх хэсэг, Эрүүл мэндийн сайдын 2022 оны “Улирлын томуугийн эсрэг вакцинаар дархлаажуулах тухай” А/512 дугаар тушаалыг тус тус үндэслэн ТУШААХ нь :

1. Дархлаажуулалтын ээлжит 10 хоногийг 2022 оны 10 дугаар сарын 20-30-ны өдрүүдэд “Томуугаас сэргийлье” уриан дор зохион байгуулсугай.

2. Бүгд Найрамдах Солонгос Улсын Грийн кросс үйлдвэрийн улирлын томуугийн вакцинаар эцэг эх, асран хамгаалагчийн зөвшөөрлийг үндэслэн 1-5 насны хүүхэд болон эрсдэлт бүлгийн хүн ам, эрүүл мэндийн ажилтныг вакцинжуулах ажлыг зохион байгуулах, мэдээлэл арга зүйгээр хангаж ажиллахыг Дархлаажуулалт хариуцсан эмч (Л.Содномцэрэн), Халдвар судлаач эмч (Х.Батцэцэг) нарт тус тус даалгасугай.

3. Дархлаажуулалтын 10 хоногоор заавал хийх товлолын дархлаажуулалтаас хоцорсон 0-15 насны хүүхдийг нөхөн дархлаажуулах, дархлаажуулалтын ач холбогдлыг олон нийтийн хэвлэл мэдээллээр сурталчлахыг Нийгмийн эрүүл мэндийн төвийн даргын үүргийг түр орлон гүйцэтгэгч (А.Азжаргал)-д үүрэг болгосугай.

4. БНСУ-ын Грийн кросс үйлдвэрийн улирлын томуугийн эсрэг “GCFLU” вакцины хуваарийг нэгдүгээр, Улирлын томуугийн хэрэглэх зааврыг хоёрдугаар, Улирлын томуугийн вакцинжуулалтын хамралтын мэдээний маягыг гуравдугаар, Улирлын томуугийн вакцин хийхэд хүүхдийн эцэг эх, асран хамгаалагчаас авах зөвшөөрлийн хуудсыг дөрөвдүгээр хавсралтаар тус тус баталсугай.

5. Хуваарилсан вакцин, дагалдах хэрэгслийг хүлээн авч, эргэлтийн хөрөнгөөр бүртгэн, зарцуулалтад нь хяналт тавьж, санхүүгийн тусган ажиллаж, зорилтот бүлгийн хүн амд чанартай, үр дүнтэй, зохион байгуулахыг Аймгийн нэгдсэн эмнэлэг, Өрх, Сумын эрүүл мэндийн төвийн дарга нарт даалгасугай.

6. Энэхүү тушаалын хэрэгжилтэд хяналт тавьж ажиллахыг Нийгмийн эрүүл мэндийн төвийн даргын үүргийг түр орлон гүйцэтгэгч (А.Азжаргал)-д үүрэг болгосугай.

ДАРГЫН ҮҮРГИЙГ
ТҮР ОРЛОН ГҮЙЦЭТГЭГЧ  П.БОЛОРМАА



2022
Эрүүл мэндийн газрын даргын
оны 10-р сарын 24-өдрийн
А/62-р тушаалын 1 дүгээр хавсралт

Эрсдэлт бүлгийн хүн амыг дархлаажуулах улирлын
томуугийн эсрэг вакцины хуваарь

д/д	Байгууллага	1-5 хүртэлх насны хүүхдүүд	Жирэмсэн	Эрүүл мэндийн байгууллаг ын ажилчид	65-аас дээш насныхан	Архаг хууч өвчтэй хүмүүс	Нийт
1	2	3	4	5	6	7	8
1	Асгат	167	28	24	81	150	450
2	Баяндэлгэр	292	47	32	225	174	770
3	Дарьганга	194	15	30	119	132	490
4	Наран	181	15	20	141	113	470
5	Халзан	178	17	21	84	70	370
6	Түмэнцогт	230	25	20	40	35	350
7	Сүхбаатар	166	10	24	180	120	500
8	Уулбаян	243	20	25	142	170	700
9	Энэрэлт ачтан	854	147	17	663	89	1770
10	Энхлэн ачтан	686	95	20	539	370	1710
11	Эрдэнэцагаан	475	60	25	300	90	950
12	Мөнххаан	312	45	35	192	286	870
13	Онгон	258	23	33	133	103	550
14	Түвшинширээ	286	29	25	120	100	560
15	АНЭ			340			340
16	ЭМГ			30			30
Нийт		4522	576	721	2959	2102	10880

Эрүүл мэндийн газрын даргын
2022 оны 10 -р сарын 24 өдрийн
А/63 -р тушаалын 2 дугаар хавсралт

БНСУ-ын Грийн кросс үйлдвэрийн улирлын Томуугийн
эсрэг "GCFLU QUADRIVALENT" вакциныг хэрэглэх заавар

Улирлын томуугийн эсрэг "GCFLU Quadrivalent" дөрвөн цэнт вакцин нь 2022/2023 оны томуугийн улиралд ДЭМБ-ын зөвлөмж болгосон томуугийн вирусийн эсрэгтөрөгчийг идэвхгүйжүүлж гаргаж авсан, ДЭМБ-ын итгэмжлэл авсан вакцин юм. Вакцины найрлагад орсон томуугийн вирусийн дөрвөн дэд хэвш инжээр үүсгэгдсэн халдвараас сэргийлэх зорилгоор хэрэглэнэ.

Найрлага:

Нэг тун (0.5мл) томуугийн вирусийн дөрвөн цэнт вакцинд агуулагдах найрлага:

Идэвхитэй хэсэг: Томуугийн вирусийн цэвэршүүлж, идэвхгүйжүүлсэн антиген.....60µg

А хүрээний Victoria/2570/2019 IVR-215(H1N1).....15µg

А хүрээний Darwin/9/2021 SAN-010(H3N2)15µg

В хүрээний /Austria/1359417/2021 BVR-26.....15µg

В хүрээний /Phuket/3073/2013.....15µg

Нэмэлтээр натри, калийн хлорид, дисодиум гидроген фосфат дигидрат, калийн дигидроген фосфат, тарилгын ус агуулна.

Савлагаа:

Нэг хүн тун нь 0.5 мл, нэг флаконд 10 хүн тунгаар савлагдсан. Өнгөгүй, шингэн суспенз.

Заалт:

Томуугийн А болон В хүрээний вирусээр үүсгэгдсэн томуугийн халдвараас урьдчилан сэргийлж 6 сар ба түүнээс дээш насны хүмүүст хэрэглэнэ.

Тун ба тарих арга:

Вакциныг гарын бугалганы (делтойд булчин) булчинд тарьж хэрэглэнэ.

- 6 сар ба түүнээс дээш насны хүмүүст: 0.5мл-ээр нэг удаа тарина.

Эсрэг заалт: Вакцинжуулахын өмнө тухайн хүнээс асуумж авч, бодит үзлэг хийнэ. Үзлэгээр дараах эмгэгийн аль нэг нь илэрсэн тохиолдолд вакцинжуулахыг зөвлөхгүй.

- Цочмог халдвар, архаг өвчний сэдрэлийн үе;
- Вакцины найрлагад орсон бодист анафилаксийн урвал илэрч байсан өгүүлэмжтэй;
- Өндөг, тахианы гаралтай бүтээгдэхүүнд хэт мэдрэг хариу урвал өгч байсан;
- Сүүлийн нэг жилийн хугацаанд таталт, саажилтын хам шинж илэрсэн;
- Мэдрэлийн үрэвслийн хамшинжийн үе;
- Харшил, багтраа өвчтэй хүн;
- Дархлал дутмагшилтай хүн;
- Дааврын эмчилгээ болон дархлаа дарангуйлах, дархлаа сэргээх эмчилгээ хийлгэж байгаа хүн;

- Өмнө нь томуугийн вакцин хийлгэснээс хойш 6 долоо хоногийн дотор гиллен барын хам шинж илэрч байсан эсвэл мэдрэлийн эмгэгтэй хүн;
- Хавдрын эмчилгээний цитостатик эм хэрэглэж байгаа бол.

Дархлаажуулалтын дараа илрэх урвал, хүндрэл:

- Халуурах, толгой өвдөх, чичрэх, ядрах, тайван бус болох, хоолонд дургүй болох, бөөлжих зэрэг ерөнхий, тариулсан газарт улайх, хөндүүрлэх, хавдах зэрэг хэсэг газрын урвалын шинж илэрч болох бөгөөд 2-3 өдрийн дараа хэвийн байдалд ордог.

- Ховор тохиолдолд: Толгой эргэх, цочмог ханиах, архаг ринит, хоолой өвдөх, залгиурын үрэвсэл, хамрын салст бүрхэвчийн үрэвсэл илэрч болно.

- Маш цөөн тохиолдолд: Бөөлжих, суулгах, дотор муухайрах, чонон хөрвөс гарах, анафилаксын шок, энцефаломиеелит, татах, мэдрэлийн өөрчлөлтүүд 2 долоо хоногийн дотор илэрч болно. Хэрэв дээрх шинж тэмдгүүд илэрвэл эмч, эрүүл мэндийн байгууллагад яаралтай мэдээлж, эмчийн зааврын дагуу эмчилгээг хийх хэрэгтэй.

Анхааруулга:

- Вакцин хийхийн өмнө эмчийн үзлэгт хамруулна.
- Томуугийн вакциныг товлолын бусад вакцинтай нэг өдөр хийж болох бөгөөд тарих талбай өөр байна.
- Бусад вакцинтай 28 хоногийн завсартайгаар хийнэ.
- Тарилгын стандартыг баримтлан ажиллана.
- Вакцин хийхийн өмнө жирэмсэн болон хөхүүл эмэгтэйг эмчийн үзлэгт хамруулна.
- Задалсан вакциныг дараах нөхцөлийг хангасан тохиолдолд 7 хоногийн дотор хэрэглэж болох бөгөөд задалсан огноо, цаг, минутыг заавал тэмдэглэнэ.
 - Вакциныг +2- +8 хэмд хадгалсан;
 - Вакцины шошгоны бичиг арилаагүй;
 - Халдвар хамгааллын дэглэмийг чанд мөрдөж ажилласан.
- Тарилга хийсэн хэсэг газрыг бохирдуулахгүй, цэвэр байлгах, ус хүргэхгүй, цохихгүй, маажихгүй байх талаар зөвлөнө. Мөн дархлаажуулалтын дараах урвал хүндрэл илэрсэн тохиолдолд эмчид яаралтай хандахыг вакцин хийлгэж байгаа хүнд зөвлөнө.

Жирэмсэн болон хөхүүл эмэгтэйчүүд:

Жирэмсэн болон хөхүүл эмэгтэйчүүд вакцин хийхийн өмнө жирэмсэн болон хөхүүл эмэгтэйг эмчийн үзлэгт хамруулна. Жирэмсний 14-өөс 36 долоо хоногтой жирэмсэн эмэгтэйд томуугийн вакцин хийж болно.

Хадгалалт, тээвэрлэлт, савлагаа

- Вакциныг +2+8 хэмд гэрлээс хамгаалж, хадгалан тээвэрлэнэ
- Халууны нөлөөнд орсон эсэхийг вакцин шошгоны монитормыг ашиглан хянана
- Хөлдөөж болохгүй.
- Нэг хүн тун нь 0,5мл, нэг флаконд 10 хүн тунгаар буюу 5 мл-ээр савлагдсан.

Хүчинтэй хугацаа: 2023 оны 8 дугаар сар

Үйлдвэрлэгч: Грийн кросс корпораци, БНСУ

Эрүүл мэндийн газар
... оны 10... -р сарын
... -р тушаалын 3 дугаар

[illegible]

Хамралтын мэдээг өдөр бүрийн өглөө 09 цагаас өмнө нэгтгэн 89819484 утсаар болон sodoor426@gmail.com

Мэдээ гаргасан.....

Улирлын томуугийн вакцинжуулалтын хамралтын мэдээ
1-5 насны хүүхэд

Байгууллага	Нийт хамрагдвал зохиx хүүхдийн тоо	Нийт хамрагдсан хүүхдийн тоо	Хамралтын хувь	1-2 нас	3-5 нас	ДДУХ	Татгалзсан хүүхдийн тоо	Татгалзсан шалтгаан
1	2	3	4	5	6	7	8	9

Хамралтын мэдээг өдөр бүрийн өглөө 09 цагаас өмнө нэгтгэн 89819484 утсаар болон sodool426@gmail.com

Мэдээ гаргасан..... Мэдээг хянасан.....

Эрүүл мэндийн газрын даргын
2022 оны 10... -р сарын 24... өдрийн
А/68... -р тушаалын 4 дүгээр хавсралт

Улирлын томуугийн вакцин хийхэд хүүхдийн эцэг эх,
асран хамгаалагчаас авах зөвшөөрлийн хуудас

Миний хүү/охин.....овогтойНЬ
..... настай дүүргийн..... хороонысургууль, цэцэрлэгт
суралцдаг.

Эцэг эх асран хамгаалагч Би хүүхдэдээ улирлын томуугийн вакцин хийлгэхийг
Зөвшөөрч байна.

Улирлын томуугийн эсрэг вакцины зааврыг уншиж , танилцсан болно.

Гарын үсэг: эцэг/эх/асран хамгаалагч.....

Огноо :2022 оны.....дугаар сарынөдөр

Томуугийн вакцины талаарх мэдээлэл

Тайлбар : Сургууль, цэцэрлэгийн хүүхдүүдийг улирлын томуугийн эсрэг вакцинд
хамруулахаас өмнө энэхүү зөвшөөрлийн хуудсыг ангийн багш хүүхдийн эцэг эх,
асран хамгаалагчид заавал танилцуулж , гарын үсэг авсан байна. Сүүлийн нэг
сарын хугацаанд товллын болон сайн дураар томуугийн вакцинд хамрагдаагүй
байх.